

漁洋山人自撰年譜註補

漁洋山人自撰年譜卷上

小門生東吳惠棟定宇註補

同學諸子參

山人名士禎姓王氏字子真一字貽上號阮亭青州諸

人自註卽今諸城

始祖諱貴遷濟南新城著籍焉稱鄆鄆公

公居諸城古鄆鄆地也當元末白

一作花馬軍亂公祖

擊之殺一賊度不能抗乃避居新城之曹村爲某大

姓傭作一日大風晦冥有一女子從空而墮良久既  
霽公於塵坌中得之云卽諸城縣初氏女也晨起取

火不覺至此時公方鯀居女子年十八九主人以爲

天作之合遂令諸伉儷焉三世至穎川公而讀書仕宦四世至太僕公始大其門二百年來科甲蝉連不

絕皆初夫人所出也

初夫人事載見鄒公之壽孫立峯先生大槐記及伍袁萃林

居漫錄謝在杭五雜俎諸書嘉興賀燦然驗之以爲語怪非也

二世祖諱伍有善行稱善人公

鄒公五子善人最少性醇謹事父母諸兄皆得其歡心尤好施予歲時勤力治家入產計口給食餘悉以賑鄉里貧乏者門前植槐一株枝葉扶疎時作糜哺餓者于其下諸餓者以次受糜紡其笠干槐繫纍

如也鄉人呼之曰王菩薩而稱其家曰大槐王氏善人旣多隱德嘗夢神人以冠簪笏囊分布槐枝之上顧曰以報汝識者以是卜其後之必大也

三世祖諱麟明經官潁川王府教授稱潁川公

潁川爲善人次子生而警穎彊記于書無所不觀受詩于畢文義理十四補博士弟子員每試輒冠其羣數困棘闈隨例應里選官永平郡司訓勸學興行爲多士式久之遷諭鹿邑廣勵功令如校永時士風丕變最後遷教授潁川王府旣至疾作浹歲而卒志傳稱公內廉行修人倫醇備事大父卿琊公至孝遇諸

兄弟門以內蒸蒸如也蓋自公以毛詩起家接武列  
卿御史尚書郎秘苑方岳郡邑長吏皆名臣膺仕布  
列中外人皆謂善人之食報于茲乃驗矣

高祖諱重光明嘉靖辛丑進士歷官貴州按察使叅議  
歿於王事贈太僕寺少卿諭葬祭稱忠勤公

公字廷宣嘉靖丁酉舉於鄉辛丑成進士授工部主  
事理徐州洪潁川公卒哀毀如禮服闋除戶部榷稅  
九江廉弊竇除豪猾省乾沒及期歲省國漕數百石  
當事以其能晉秩僉事守雲中強直奉法軍民賴之  
尋晉叅議守上谷條上谷機宜十二事悉中窾要以

忤當事意調貴陽時赤水黑白蠻叛用貴戒嚴丁  
已肅皇新三殿求大木取辦貴竹諸彝爲梗公至以  
便宜往撫平之彝人感其德爭以所知異木走報公  
公采入其阻衝風瘴癘勤事以死事聞特加恩卹賜  
祭葬壬戌秋三殿告成以公前績詔贈太僕寺少卿  
公性孝友爲潁川公次子方亂而母沈安人亡三事  
繼母常岳虛如所生兩弟早夭撫其遺孤不殊己子  
居鄉恂恂退讓君子也敬歷中外遇事慷慨不避艱  
險及卒無一語及家事世廟諭祭文有忠勤報國之  
襄故稱忠勤公焉

曾祖諱之垣嘉靖壬戌進士歷官戶部左侍郎贈本部尚書自潁川已下以太師公象乾貴俱贈少師兼太子太師兵部尚書

公字爾式里人稱見峯先生太僕公文子少能文章未冠補邑諸生戊午舉鄉試壬戌成進士授荊州府推官多所平反隆慶丁卯徵入爲刑科給事中尋擢禮科右兵科左持節使鄭還遷禮科都給事中以言事激切忤旨奪俸請急歸省明年起刑科擢太僕寺少卿三月改鴻臚寺卿甲戌擢大理寺少卿踰年擢順天府尹旋以都察院右副都御史巡撫湖廣三載

詔錫贈封如例庚辰內遷戶部右侍郎奉命攝理京  
營戎政明年轉左侍郎總督倉場疏乞歸省歸二十  
年而卒訃聞詔賜祭葬戶部尚書公少績學攻苦  
茹澹窮日夜不輟及貴猶然子孫遵用其教皆以節  
儉世其家生平行事詳公所載歷仕錄

祖諱象晉萬曆甲辰進士歷官浙江右布政使贈刑部  
尚書

公字子進別字康字司徒公季子也中萬曆甲午舉  
人甲辰進士授中書舍人癸丑考選同鄉諸公皆欲  
以臺省處之適太師公方以薊遼總督召爲本兵而

故事父兄官內閣及六卿者子弟無得居言路其見  
居職者例改翰林官故太師欲暫歸爲公地卽來而  
翰林可得也公力爭不可以私恩宿君命遂平調禮  
部儀制司主事甲辰移疾里居久之中忌者以京察  
調外補江西按察司知事未赴遷行人司左司副又  
遷禮部精膳司員外郎未幾丁內艱服闋補儀制司  
員外郎扈惠王之國荊州戊辰春報命陞按察司副  
使備兵淮揚下車摘伏如神十城憚其風采甲戌陞  
河南按察使經年所部獄決稱平乙亥遷浙江右布  
政使公爲人寬厚及見義勇決不擇利害爲趨避赴

人之難如不及然終不爲厯異激切之行年七十致仕生平喜澹泊室無媵侍盛暑整衣冠危坐讀書不輟常舉唐柳玭言誠子孫無矜門第務力學爲善故其家代有名人由家法之善有以維持之也

父諱與敕

大清順治元年拔貢累封國子監祭酒

贈刑部尚書公四子伯士祿順治壬辰舉禮部乙未進士官吏部考功員外郎仲士禧廩貢監生叔士祐康熙庚戌進士未仕卒山人其季也

方伯公有四子其季爲匡廬公公字欽文性孝謹尤警慧自毀齒就傳所授經書一過輒曉大義數困場

屋 世祖皇帝定鼎詔郡邑選眞才充貢太學有

司以公名應 詔公以方伯公年老 延對後不謁

選人徑歸謂所親曰吾得以壯年侍老親側躬希肺

洗滌之事遠希萬石家風顧有所未足乎就子舍日

夕視寢膳問安否爲憂愉每歲時率子婦奉觴上壽

一門五世羅拜庭下方伯公顧之喜則好爲子姓陳

述先世隱德遺事覩縷忘倦公退而申繹其說環長

幼拱聽方伯公卒哀慕如孺子每歲時伏臘家祭上

冢必懷慕盡哀又繪方伯公生平出處事蹟爲圖二

十四以示後人蓋其天性愛慕如此少工駢麗之文

晚年猶間爲之中歲好爲詩輒棄去曰吾偶寫懷抱  
如絃之有音弦停音寂矣乃欲索之於無有耶每春  
秋佳日輒置酒邀邑耆舊促席道舊故爲樂又嘗與  
諸兄弟讌集道祖宗勤儉遺事如方伯公當日及公  
之歿也羣從兄弟行哭失聲巷春皆罷是可以知公  
之德矣

故明崇禎七年甲戌閏八月二十八日亥時山人生布  
政贈尚書公官河南按察使尚書公及孫夫人隨侍山  
人生於官舍故小字豫孫

山人爲方伯公十一孫時六兄西樵年九歲七兄禮

湖湘先生集譜卷之六  
吉年八歲十兄東亭年三歲池北偶談云予生甲戌  
以辛卯中鄉試乙未中會試與候官曹能始學佺相去  
一甲子無不符合

崇禎八年乙亥二歲隨任之杭州

案考功年譜是歲方伯公遷浙江右布政使

崇禎九年丙子三歲

崇禎十年丁丑四歲

崇禎十一年戊寅五歲

是冬左使姚永濟入覲方伯公攝其事姚至京以征  
解不及額下獄方伯公聞之敕守藏吏籍所貯悉輸

之吏辭以考成不便公曰若所言吾豈不知顧姚事急吾視事日淺卽不及降秩耳姚禍且不測與人同

察瀕危而坐視吾弗忍也于是擇吏趨解至部驗牒

課如額姚遂得釋

案考功年譜方伯公于崇禎十年致政歸此當是九年事

崇禎十二年己卯六歲

崇禎十三年庚辰七歲始入小學

池北偶談云予六七歲始入鄉塾受詩誦至燕燕綠衣等篇便覺枨觸欲涕亦不自知其所以然稍長遂

頗悟興觀羣怨之旨

崇禎十四年辛巳八歲

山人幼有聖童之目肄業之暇卽私取文選唐詩洛  
誦之久之學爲五七字韻語時西樵爲諸生嗜爲詩  
見山人詩甚喜取劉頃陽一所編唐詩宿中王孟常  
建王昌齡劉脊虛韋應物柳宗元數家詩使手抄之  
盛侍御珍示曰先生八歲能詩西樵吏部授以王裴  
詩法後三十年書考功年譜後云文章經術兄道兼  
師蓋實錄也 是年西樵補諸生

崇禎十五年壬午九歲冬十二月 大清兵至濟南新  
城陷

是年禮吉補諸生

崇禎十六年癸未十歲避兵長白山之魯泉

考功年譜云依外家鄒平孫氏長白山錄云魯泉在望湖頂下林壑清美泉水尤甘

崇禎十七年甲申十一歲卽世祖皇帝顯治元年

時流賊陷京師王師入關定鼎國號大清改元

時方伯公以遺老居田間自號明農隱士關門謝客親教諸孫頗及聲律之學嘗邀從弟洞庭梁飲洞庭

工草聖有張顛之風酒闌諸孫競進乞書方伯公把酒命對句曰醉愛義之蹟山人在傍應聲曰狂吟白也詩二公皆大喜賞以名人書畫謂匡廬公曰此子

必荅成

順治二年乙酉十二歲

倚聲集山人嘗云僕十二歲時題明湖詩有句云楊柳臨湖水到門全作都不省記漁洋文畧云子碩時私爲清明憎蚊二賦傳公形臣見之激賞有過情之譽是歲西樵與諸名士爲曉社

順治三年丙戌十三歲高苑賊謝遷寇新城陷之避兵

長白

避地鄉平依張氏時遷聚衆千人連破新城長山諸縣入淄川據之僭僞號置官屬未幾敗

順治四年丁亥十四歲自長白歸里

是歲西樵食餼于庠

順治五年戊子十五歲夏出應童子試被落

山人自八歲吟詩至是有詩一卷曰落箋堂初藁西樵序而刻之案倚聲集山人髫時嘗作落葉詩數篇大爲先輩所賞有句云已共寒江湖上下況逢新燕影參差又云年年搖落吳江思忍向煙波閑板橋又有錦秋湖二絕句咏狄仁傑詩一首載見續集中

秋伯兄舉鄉試

考功年譜云君兩應省試以文章見斥更降志揣摹

以就程式秋舉于鄉受知給事桐城姚公龍懷文樞  
部邢臺李公非熊仲能齊東令曲周李公方曼倩池北  
偶談曰姚公闢中得西樵卷異之曰他日必爲風雅

### 名家

順治六年己丑十六歲布政公課諸孫嚴山人與諸兄  
讀書家塾

山人兄弟每自家塾歸孫夫人從牕聞履聲輒呼而  
問之兒輩今日讀何書爲文章當祖父意否命列坐  
於側予之酒食或讀書塾中夜分不歸則遣小婢賜  
卮酒餅餌慰勞之率爲常兄弟四人每會食輒談藝

以娛母夫人爲之解顏

頻夢有小鳥五色如鳳皇百寸其羣飛遠左右又屢夢人贈古墨嗅之有異香人以爲文字之祥

山人少時又嘗夢一丈夫屬對出句云君子有酒旨且多山人應聲曰詩人之賦麗以則

順治七年庚寅十七歲再應童子試郡邑提學三試皆第一提學道鍾公性樸大興人明崇禎癸未進士賞其文似戰國策

池北偶談云鍾字文子順治初爲濟南府推官遷本省提學道僉事考功年譜曰是時方伯公年九十無

惠君朝夕定省退與諸弟讀書談藝甚樂之

八月元配張夫人歸夫人鄒平人祖延登明萬曆壬辰進士歷官南京都察院右都御史父萬鍾拔貢南渡官鎮江府推官

是年讀書水月禪寺寺在大明湖東北

順治八年辛卯十八歲應鄉試舉第六名主考戶科左給事中杜公篤祐蒲州人明崇禎丙子舉人歷官都察院左都御史兵部員外郎楊公時薦鉅鹿人順治丙戌進士歷官兵部督捕右侍郎同考夏津知縣夏公人佺壽州人順治己丑進士歷官監察御史初定解元者三

日矣後乃易昌樂滕國相以經同改第六名方伯公舊藏那太僕祠蘭亭序白鸚鵡賦

王維一

卷深所寶惜嘗

謂諸孫有登賢書者當以爲賜戊子長兄報捷得蘭亭

卷至是山人得白鸚鵡賦卷

是冬山人與西樵同上公車每停驛輒題題和  
書之旗亭驛壁王丹麓今世說云新城二王每遇郵  
亭野店輒題詩壁上詩旣驚人使筆斗大龍拿虎攫  
尤悔菴個道經燕齊見之解鞍造食坐對移晷不能

去

順治九年壬辰十九歲會試被落伯兄舉禮部

考功年譜云君受知學士武陵胡公此菴統大名成  
公青壇支官允陽城喬公白山映會當輔修知武陵  
借磨勘以領主司會元程可則被黜先生及蔣中和  
戚藩等二十餘人皆停一科

順治十年癸巳二十歲秋八月長子啓涑生十月布政  
公考終於里第時嚴寒大雪連旬隨父母諸兄日夜  
侍疾

方伯公卒時年九十三鄉人私諡康節先生池北偶  
談云先祖年九十餘讀書排纂不輟雖盛暑衣冠危  
坐未嘗見其科跣癸巳歲作自祭文有云不敢喪心

不求滿意能甘澹泊能忍閑氣九十年來於心無愧  
可借衆而同遊可含笑而長逝蓋實錄云公年雖大  
耋時時夜夢侍先曾祖司徒府君或跪受樸責如過  
庭時焉是年有冬夜過傅濟汝詩載蠶尾後集  
順治十一年甲午二十一歲叔兄拔貢入國學  
是年有湖山佳境亭詩載漁洋續集

順治十二年乙未二十二歲

山人北上至趙北口有竹枝詞十首

一云柳枝詞其一載蠶尾後集

又一首云金榜初旬柳岸條乘遊原下索春饒鋪魂橋上鋪魂樹不得飛花魂亦鋪後內年年過此有詩云六載隋堤送客驛樹猶如此我何堪鋪魂橋上重相見一樹依依似漢南蓋自楊州司李量移禮部入

都道中  
作也

是年西樵以殿試與山人同上公車東亭

亦以太學生廷試入都始與海內聞人縞紵論交

時號三王

詳甫艸齋廣說錄卷之十同年王子衡居西樵阮亭間才堪頗予與鄧孝成宗鶴間諸

公偕子側

翁若山本問子側詩接筆輒成多見警

拔同人每相太息曰濟南二王才故奇亦以蚤貴聲

譽先布子側才何嘗

作蜂腰裁人以爲知音

會試中式第五十六名未殿試而歸五月抵里

角巾錄曰先方伯公有知人之鑒年九十餘聰明不衰嘗語祭酒公曰汝諸子皆佳將來成進士者三人某某是也幼者尤早達旣而先西樵兄以順治壬辰某以順治乙未先東亭兄以康熙庚戌相繼成進士

而某得雋尤早異哉

主考大學士金公之後吳江人明萬曆己未進士內閣學士胡公兆龍山陰人順治丙戌進士歷官吏部右侍郎同考翰林編脩陳公彩廣東順德人壬辰進士歷官江南常鎮道叅政

順治十三年丙申二十三歲

春與邑高士徐夜東癡同游長白山凡柳菴上書堂  
醴泉寺諸勝皆至焉刻長白遊詩一卷東癡爲季木  
先生外孫順治癸巳年山人始與定交嘗贈句云湘  
東品第畱金管江左風流續玉臺每雪後與東癡必

有倡和之作至數十首

四月省伯兄於東萊

考功年譜云順治十二年君就殿試君旣風神玉立  
又夙工歐陽書盛有文名於時時謂非館閣不足以  
辱君旣而前政尚以武陵之故易置未甲及館選復  
不得與遂投牒吏部乞改教職九月歸里十二月赴

萊州府學教授

觀海於蠡勺亭五日遊龍溪遊亞祿山林氏園觀窟室  
畫松皆有詩詩集編年始此

山人自乙未五月買舟歸里始棄帖括專攻詩聚漢

魏六朝四唐宋元諸集無不窺其堂奧而撮其大凡故詩斷自丙申始錢塘吳君道崖云先生論詩要在神韻畫家逸品居神品之上惟詩亦然司空表聖論詩云梅止於酸鹽止於鹹飲食不可無酸鹹而其美常在酸鹹之外余嘗深旨其言酸鹹之外何味外味骨重神寒詩品之貴莫踰於此矣

五月第二子啓渾生

順治十四年丁酉二十四歲八月遊歷下集諸名士於明湖泉秋柳社

東名士如東武印海石石常清源柳公窟窟任城楊聖宜通通兄弟聖喻通磨聖金常益都孫仲孺寶董輩咸集賦秋柳詩四章詩傳四方和者數百人

南城陳伯璣評云元倡如初寫黃庭恰到好處諸名士和作皆不能及汪鈍菴云嚴給事沉稱東風作架櫓春衣一首如朔鴻關笛易引羈愁讀之良然葉根堂詩集序云順治丁酉秋予客濟南時正秋賦諸名士雲集明湖一日會飲水而亭亭下楊柳十餘株披拂水際綽約近人葉始微黃乍染秋色若有搖落之態予悵然有感賦詩四章一時和者數十人又三年

予至廣陵則四詩流傳已久大江南北和者益衆於是秋柳詩爲藝苑日賞矣

順治十五年戊戌二十五歲赴殿試居二甲館選不得與故事進士二甲前列授部主事是科以給事中言改外任二甲前十人爲知州餘及三甲如于人以前爲推官餘皆知縣庶吉士外無京職自是科始館選罷不得歸觀政兵部謁楊忠愍公繼盛祠有詩夏秋與長洲汪琬茗文南海程可則周量以詩相倡和

山人居慈仁寺嘗寓書西樵時在東萊云長夏饑居慈仁日坐臥雙松下涼風時至爽若肌骨一二友人來就

語亦不復命中鞭日夕竟去都忘時世周旋汪鈍菴  
說鈴云王十一在京師將遷寓慈仁寺予往阻之曰  
子寓慈仁不得不賦雙松詩恐損子名王倣然曰寓  
不可不移詩那可便作案王集中載報國寺雙松歌  
一首贈許天玉蓋是歲移寓後作也歌詞雄偉沉麗  
與題頗相稱王旣爲此言而其後竟爾操筆才人固  
是難量

九月歸里

順治十六年己亥二十六歲謁選得江南揚州府推官  
是年居京師久與汪程泊顧川劉體仁公職鄒陵梁熙

日絢崑山葉方謫予古海鹽彭孫適駿係倡和最多

是冬山人與西樵及羨門倡和香奩體詩刻彭王倡和集說鈴云二王好香奩詩倡和至數十首劉公勇

寓書於予問訊博士曰王六不致墮韓冬郎雲霧否此雖慧業然併此不作可也案博士香奩詩自序云情至之語風雅掃地然不過使我于宣尼廡下俎豆無分耳蓋其託興如此董文友寧嘗以此語問鄒程

郵

賦程郵笑曰待歐陽公罷祀時拂時再理會

六合李敬聖一武進董文驥玉虬亦來會合肥龔端毅公芝麓以前左都御史謫國子助教合諸詞人祖席賦

詩聯爲巨軸是冬伯兄自萊州府教授內遷國子助教至京師

考功年譜云秋八月遷國子助教便道省覲於家十一月同禮吉赴京師

六月祈籤正陽門關壯繆祠云今君庚甲未亨通且向江頭作釣翁玉免重生應發跡萬人頭上逞英雄明年庚子至揚州居五年甲辰內遷至庚申閏八月拜國子監祭酒庚甲江頭玉免重生之語皆驗

池北偶談載此事云所謂庚甲蓋合始終而言之揚郡瀕江故曰江頭也至庚申年八月置閏而予以崇

祐甲戌生實在閏八月過閏中秋四閏月遂蒙

聖恩擢拜大司成於是乃悟王免重生之義

順治十七年庚子二十七歲赴揚州匡廬公就養偕行

三月到官

山人赴廣陵時孫夫人送之灘上曰汝少年爲法吏

吾懼之然揚故爾祖舊游地也

崇禎間康字公曾任揚州兵備副使

務盡職守以嗣前烈山人受教而行

八月充江南鄉試同考試官

王丹麓今世說云阮亭爲同考至白門夜鼓柁行大江中漏下將盡始抵燕子磯王興發欲登會天雨新

霽林木蕭颯江濤噴湧與山谷相應答從者顧視色動王徑呼東首以往題數詩於石壁從容履步而還翼日詩傳自下和者凡數十家

分較易二房得盛符升郭士琦王立極吳之頤王朱玉孫謙朱廷獻謝廷爵崔華黃裳等九人九月病歸揚州山人在闈中得疾危甚東亭聞之兼程至揚州爲治藥裹三閱月始痊有聲提軒病中漫興詩海客秋善病歸來臥茅屋東牕蔭叢桂西牕羅斑竹露檻香孤鶴風櫓散疎菊以此澹漠心聊取媚幽獨鴻鵠薄天游磨廢樂嚴谷山人嘗以是詩示汪鋐菴曰此當不減韋左司蓋山人論詩有云解識無聲絃指妙柳州那得並蘇州故鈍菴云耳

冬至常州登京口三山有過江集

十一月山人病初起有事南蘭陵與京口別駕程崑  
峯康莊同游金焦北固及鶴林招隱竹林寺海嶽菴諸  
名勝得遊記六題名七古近體四十編爲一集張吏  
部公選九徵序云筆墨之外自具性情登覽之餘別深  
懷抱時以爲名言

順治十八年辛丑二十八歲在揚州

舊例府僚迎春瓊花觀以妓騎而導輿太守節推各  
四人同知已下二人旣竣事歸而宴飲仍令歌以侑  
酒府吏因緣爲奸利山人深惡之語太守一切罷去

清江人集詩 卷一  
十一  
紅豆齋  
揚人一時誦美之

春至蘇州過無錫登惠山歸復有事於江寧有白門集入吳集歲暮懷人絕句始自號漁洋山人是年戶部侍郎葉成格刑部侍郎尼滿駐江寧讞海寇陷宣城金壇儀真諸大案羅織間官監司已下死者甚衆山人所讞皆於良善力爲保全奸宄幸置反坐而獨獲無咎有天幸焉

先是海寇犯江上宣城金壇儀真諸邑有潛謀通賊者朝命大臣讞其獄辭所連及繫者甚衆監司以下承問稍不稱指皆坐故縱抵罪山人案獄乃理其

無明驗者出之而坐告訐者大臣信其誠不以爲忤  
全活無算

正月有事吳郡看梅元墓宿聖恩寺望太湖漁洋湖中小山也一峯正當寺門愛其秀峙無所附麗取以自號是春以例往松江謁直指次游聖聞鄧尉梅花盛開遂輕舟入太湖口自光福元墓畱聖恩寺四宜堂信宿而返舟泊楓橋過寒山寺夜已曛黑風雨雜還山人搢衣著屐列炬登岸徑上寺門題詩二絕而去一時以爲狂詩載辛丑稿是役也發朱方次雲陽抵吳聞歸經伯鸞之溪賦詩共六十餘篇爲人吳集

三月有事金陵居秦淮邀笛步賦秦淮雜詩

山人至金陵嘗於布衣丁繼之家丁故居秦淮距邀笛不數弓山人往來賦詩其間丁年七十有八爲人少習聲伎與歙縣潘景升福清林茂之遊最稔數出入南曲中及見馬湘蘭沙宛在之屬因爲山人縷述曲中遺事娓娓不倦山人輒撫掌稱善掇拾其語入秦淮雜詩中詩益流麗俳側可詠可誦又屬好手畫清溪遺事一冊陽羨陳其年維崧爲題詩山人復成小詞八闋摹畫坊曲瑣事盡態極妍諸名士和者甚衆每讌畢輒肩輿往烏龍潭靈谷瓦官諸寺城南高

座長于諸古刹探幽訪古而公事未嘗廢也吳祭酒

梅邨嘗以山人擬劉穆之秋七月泊舟海陵取徐

迪功高蘇門二集評次錄爲一通康熙己卯刻於京

師又嘗摘取唐律絕句五千卷授嗣君清遠

兄弟讀之名爲神韻集今廣陵所刻止七律一卷非全書也

山人序云輕寒送

椒吳玉隨客儀直有鑿江倡和集節零雨迎秋緬懷

京雒之遙風流灑散言念邱樊之樂昆從屬蓬話賓

鴈以將愁搖行雲而落歎楚大夫心傷搖落臨木登

山梁王孫怨寄波瀾江楓林葉光復雞臺夢遠江東

之桃葉難逢繁華人稀河南之楊花又落無城斜日

風景惹涼孤步清秋川原蕭瑟此固騷人所爲悵望

而秋士子以感興者也又况五馬渡頭方山亭下與

午之遺蹟不見人業之繁華邈然能無眺聽之悲豈

乏行吟之侶乃堵崑山雙壁平輿二龍名流合射誰

之城尊宿鶯石麟之異竹林諸子并擅南遠之名陽  
夏草贊早識封胡之譽既已牙期同調兼之孔李通  
宋執巾而共訪名園命辟面同遵江都揮杯擊牋四  
部俱成製素題襟千人自廢州來名士尤工詞賦之  
書授下狂奴欲圖縱蘭之佩人凡四詩凡四十五首  
附見凡十一則爲藝江倡和集則亦猶溫李之漢上  
皮陸之松

陵云爾

前禮部尚書常熟錢公牧齋贈五言古詩有勿以獨角

麟儻彼萬牛毛之句

用宋文獻公贈方正學詩也

又序其漁洋山人

集其詩皆丙申後少作有與君代興之語

魚子亭雜錄云予初以詩贊於虞山錢先生時年二十有八先生一見欣然爲序之又贈長句采其詩入所撰吾炙集所以題拂而揚謝之者無所不至今將

五十年回思往事真生平第一知己也

冬赴淮安甓社湖舟中作歲暮懷人絕句六十首丙夜而畢紙盡取案牘尾書之

說鈴云歲暮懷人詩詞旨清麗間出奇峭語茶邨杜處士語人曰使君才藻如許當是天人居易錄云詩中所及大半布衣也

今上改元康熙元年壬寅二十九歲在揚州正月第三子啓汎生

是春盛珍示侍御集丙申以來至辛丑紀年之作錄之吳下此山人集之始也三月西樵遷吏部考

功司主事

母孫夫人就養至揚

案考功年譜太夫  
人五月至揚州

山人居官公正嚴肅不畏強禦每疑讞重獄據案立決牘無畱滯時失出法嚴一事被部駁輟至鑄級孫夫人因謂山人曰人命至重汝但存心公恕升沉非所計也山人奉命多所平反

是歲有事江陰登君山歸過丹陽登觀音山臨曲阿後

湖皆有詩刻壬寅集於金陵其春與袁子令蓀菴諸名

杜于皇濟卽季貞象隨將金階朱秋厓克生張修上山陽春並劉玉少梁嵩陳伯璣允衡陳其年維崧修

禊紅橋有紅橋倡和集

山人作繞溪紗三闋所謂綠楊城郭是揚州是也和

畫者于是過揚州者多問紅橋矣

山人紅橋遊記云

淮折而北波岸起伏多慈竹木蒼鬱清流映帶人家多因水爲園亭榭溪塘幽窮而明瑟頗盡四時之美擎小艇循河西北行林木盡處有橋宛然如垂虹下坎于澗以如龍入覩粧袴服流照明鏡中所謂紅橋者也遊人登平山堂率至法海寺捨舟而陸徑必出紅橋下橋門而皆人家荷塘六七月間菡萏作花香聞數里青簾白舫絡繹如織良謂勝遊矣予數往來北郭必過紅橋顧而樂之登橋四望忽復徘徊感嘆當哀樂之交乘于中往往不能自喻其故王謝冶城之語景晏牛山之悲今之視昔亦有然耶壬寅季夏之望與檮菴茶郵伯璣諸子偶然漾舟酒闌興極援筆成小詞二章諸子倚而和之檮菴繼成一章予亦屬和嗟乎絲竹陶寫何必中年山水清音自成佳話予與諸子聚散不恆良會未易遘而紅橋之名或反

因諸子而得傳于後世增據古憑吊者之徘徊感嘆如今日未可知也爲之記云

南城陳伯璣允衡刻世父侍御公諱與亂隴首集於詩慰選中合孫公傅庭袁公繼咸黃公端伯爲四家皆明末殉節者也

池北偶談云伯父侍御百斯公登崇禎元年戊辰進士入翰林改御史甲申公家食六年矣聞三月十九之變同妻子盡節於几案間得手書一紙云京師卒破聖主殉社稷予聞之雪涕沾衣不及攀龍而殉命遂偕妻于氏子士和併命寢室命也柰何葬從薄從速隨時也公清介忠信言笑不苟鬚眉若神葬日會

者萬人莫不流涕陳伯璣論次公遺集比之宋江文忠萬里云居易錄云伯璣清羸善病以予故數來揚州選錄詩慰國雅集予居之文選樓頗料理之康熙二年癸卯三十歲在楊州伯兄以吏部考功員外郎典河南鄉試

考功年譜云七月遷稽勳司員外郎被命主河南鄉試君居常厭近科程文沿襲摹倣之陋思力振之凡軟熟雷同以爲合有司尺度者悉擯不收得冉覲祖等五十七人皆好奇服古之士君錄其文尤異者爲豫文潔自序其意相國沚亭孫公見之嘆絕以爲

場屋之文所未有也

叔兄舉於鄉冬伯兄便道覲省至揚甫一夕山人奉檄  
赴江寧充武闈同考試官伯兄同舟送至儀真別去各  
有詩

後一年西樵寄詩云一燈欲臥聞牕響雙屐君來踏  
砌泥忽憶迎鑾江上別江風含雨晝棲棲山人亦有  
懷西樵詩云曾與坡公吟賞地對床風雨戀真州刻  
癸卯詩卷

是歲作論詩絕句南昌陳士業弘緒爲序

漁洋詩話云余往如皋馬上成論詩絕句四十首猶

子淨名作注人謂不減向秀之注莊淨名浣小字也  
計甫草東云阮亭先生論詩絕句大致倣元遺山而  
聲情過之

武闈得邱湛等十九人湛尋中甲辰會元

康熙三年甲辰三十歲在揚州春與林古度茂之杜  
濬于皇張綱孫祖望孫枝蔚豹人諸名士修禊紅橋有  
冶春詩諸君皆和

西樵先生云始上蚤負夙惠神委清徹如瓊林玉樹  
朗然照人爲揚州法曹日集諸名士于蜀岡紅橋間  
擊鉢賦詩香清茶熟緝素橫飛故陽羨陳其年有兩

行小吏蠶神仙爭羨君侯斷腸句之詠至今過廣陵  
者道其遺事彷彿歐蘇不徒憶樊川之夢也陳其年  
云官舫銀鑾賦冶春廉夫才調更無倫玉山筵上頽  
唐甚意氣公然籠罩人宋梅岑云休從白傅歌楊柳  
莫向劉郎演竹枝五日東風十日雨江樓齊唱冶春  
詞劉公載評云采明珠耀桂庭麗矣或率兒兒拜或  
揚袂從風如欲仙去冶春詩獨步一代不必如鐵崖  
遁作別調乃見姿媚也

伯兄以磨勸一案無妄下吏議

考功年譜云以禮部擇撫試文語句指爲有疵考官

例奪俸三月而是時功令加峻遂下君吏部五月移  
刑部子側旣下第畱京師經絡橐餉日僅一食夜則  
共被請室中家人皆震怖雨泣君居之坦然

匡廬公赴京師視之冬獄解

考功年譜曰先是宗人恥古命都諫嘗爲君筮得晉  
之六二曰受茲介福於其王母至十月三日 太

皇太后萬壽節事果得白計甫草廣說鈴曰甲辰秋  
冬間西樵事已漸白阮亭尚不御酒肉面有涕淚痕  
同人言二王兄弟友愛似睂山二蘇予以語顧茂倫  
茂倫曰此二王詩之源也

省覲至揚同臥起屢提閣中者彌月

考功年譜云十一月至揚州士禛以舟達於秦郵既見而悲君搖手戒勿道前事徑取所賦詩數百篇令讀之曰弟視吾境地差進不比終卷天曙已達廣陵竟不成寐也署中有層提閣君樂其深靚遂居之每晨夕定省之暇輒居閣中讀書左右圖史列盆山梅花水仙以十數苧袍草屨婆娑其間與士楨夜必對床賦詩云云

十月山人內遷禮部主客司主事是歲有事於江寧爲伯兄燃燈長干寺浮圖公事了輒與方文爾止徧訪牛

首祖堂棲霞諸山及城南諸古寺觀六朝松石所得歌  
詩遊記如十篇爲後白門集汪琬若文作白門前後集  
序

康熙四年乙巳三十二歲春有事如皋與邵潛夫陳  
維崧其年許嗣隆山濤諸名士修禊冒襄辟疆水繪園  
分體各賦山人得七言古體卽席成十章

陳其年序云水繪園修禊詩一卷共八人王阮亭

士  
痕

邵潛夫

潛

冒襄民

襄

穀梁

不

青若

丹

毛亦史

師

許山

濤

濤

陳其年

維

詩則有五言古七言古五言律七言

律五言絕七言絕爲體有六共詩三十有八首漁洋

詩話云余與諸名士修禊冒辟疆園分體賦詩余戲謂其年曰得紫雲捧硯乃可紫雲者冒歌兒最殊麗爲其年所眷許之余坐湘中閣立成七言古詩十章杜濬于皇後一日至不及會

或問杜曰阮亭詩何如曰酒酣落筆搖五嶽詩成笑傲凌滄洲又問君詩如何曰但覺高歌有鬼神誰知餓死真溝壑

匡廬公及伯兄往杭州山人返郡隨謝吏事

徐電發號云王司理去維揚日作江南好數詞予會于盡船白板上見之清歌宛轉似白樂天憶西湖諸

作

有事於江寧訪見月律師於花山欲往茅山不果六月  
匡廬公及伯兄歸自杭七月登舟北行諸名士祖道於  
禪智寺碩揆禪師方丈有禪智倡和集初名禪  
智號別

山人官揚州五年不名一錢急裝時惟圖書數十篋  
嘗有詩云四年只飲邗江水數卷圖書萬首詩

八月過臨菴別墅拜別兩大人偕叔兄上京師

山人與東亭北上道中戲題德州南曲律店壁云曲  
律店子黃河岸地名朝來一雨清風霾青松短壑不能  
住騎驢又踏長安街載見香祖筆記

到禮部任提督兩館

提督兩館主事時劉君廣

是時尚

書沙公澄

順治丙戌進士蓬萊人

侍郎王公熙

順治丁亥進士平人以兵書大拜

黃公機

順治丁亥進士錢塘人以吏書大拜

繼之者梁公清標

崇禎癸未進士定人以兵書大拜

其後兩侍皆入相沙去

繼之者梁公清標

崇禎癸未進士定人以兵書大拜

後亦入相

康熙五年丙午三十三歲暫返里畢氏妹卒山人第三

妹也

案王氏家傳匡廬公四女一適淄川庠生畢盛眉

過青州畱周侍郎櫟園真意亭爲題畫冊十餘首往居

廣陵曾爲題二十餘首及此而再矣

案山人與周櫟下論畫云乙巳夏某在青州真意亭

爲先生題畫冊因憶辛丑在揚州壬寅在蕪州前後  
爲先生題畫賦詩不下三四十篇今再而三矣

冬如京師山人在揚州五年奉薦皆及格當行取臺省  
會有同年生爲戶部郎中欲攘之免吏部上疏以舊時  
臺省缺員有行取推知及部郎改授兩例請 旨奉

旨已後科道缺員著以郎中改授這行取永遠停止復  
行外官考滿之例山人坐是不與行取甲辰遵例考滿  
督撫皆注一等稱職吏部都察院會同覆核始獲內遷  
其難如此皆同年生某爲之也舊例推官承追欽贓無  
考成至是改例考成完欠與州縣等而揚故有積欠起

順治二年正十七年凡二萬兩有奇本犯已故輒禁其  
孥甚者株連親族罔罔旗盜山人初至見鴟形鵠面銀  
鑄荷械大半株連惻然遣之日視爾輩皮骨僅存徒事  
衍揚何益自今與爾輩約吾爲爾募代輸不復逮比公  
庭其濟則爾諸人之福也否則吾以一官殉之皆稽首  
謝去於是爲手疏自巡鹽御史轉運使揚州道府以下  
各縣爲佽助其十屬州縣以案之有無多寡爲差巡鹽  
胡侍御道南文舉復集諸商庭諭曰曩者爪儀中海寇之  
後告訐紛紛爾曹有覆巢破卵之危迄今身家獲全全  
者繄誰之力非王公平曰然亦曾刑辱汝平曾受汝絲

粟之餽乎曾以汝曹爲奇貨媚往來寇盜貴游平日悉無之然則保全兩淮元氣以還朝廷者王公力也汝曹豈遂忘之乎皆頓首曰是尸祝而社稷之旣數年曷敢忘今王公疏募代罪人完十六載之積欠救株累無辜於湯火之中一時同官於揚者皆樂爲佽助汝曹寧無意乎又頓首曰固所願也微公言且籍是以報王公之德於萬分一於是旬日之間代輸合計萬餘金餘三千金有奇請於巡撫中丞張某疏請豁免旨旣下悉召罪人於庭曰始吾憐爾曹係累之苦不忍鞭撻不獲已爲募疏代輸之舉誠不自意事果濟且如是其速

也今盡釋汝皆痛哭拜謝而去於是揚屬積欠一清又  
五年中完欽部大事八十三案揚理官之難爲也如此  
有維揚信讞若干卷山人官揚州比號繁劇公事畢則  
召實客汎舟紅橋平山堂酒酣賦詩斷就零素墨瀋狼  
籍吳梅邨先生偉云贊上在廣陵畫了公事夜接詞人  
葉蓋實錄也

如皋冒辟彊序考績云公實今日之循吏仁而明勤  
而敏廉而能慎者也維揚南北一大都會商與民錯  
處者百萬餘家其屬邑又多濱海斥鹵民俗皆窳而  
無以爲生公至撫綏有方慈惠倍至公又發奸摘伏

決斷如神一時府史胥徒舉無所上下其手諸豪亦  
無敢有所橫可不謂仁而明乎廣陵爲江南劇郡大  
吏有疑難事下之藩臬藩臬復下之李官黎明坐堂  
皇羽書旁午征檄雨至公左右裁答酬應若流侍之  
十餘人手腕告脫嘗以數月完欵件數千一時辭指  
推爲神異夜分入寢食燃巨燭剖析案牘不少休更  
以其餘披覽六籍并時輩所著撰甫辨色公又出矣  
可不謂勤而敏乎公素性澹約事兩親最孝迎養法  
曹聚百順以事之臨蒞之謹恪守庭訓日食蔬菜一  
二器不妄費縣官一錢邦溝爲南北咽喉貫人之至

者津吏日以百十告公河子一謁而已他無所進又  
公文章結納遍天下客之訪乎山堂唐昌觀者日以  
接踵公詩酒流連曲盡欵洽客相對永日亦終不忍  
干以私公嘗有一莫逆至臨別公曰媿官貧無以爲  
長者壽署有十鶴敬贈其二誌素交也

汪純菴葉訥  
幕事載見二

公客大喜載之而去可不謂廉而慎乎

康熙六年丁未三十四歲在禮部

夏山人門人及凡從學爲詩者裒集壬寅以後諸作  
爲王禮部集計甫草朱竹垞諸人序之

是年與汪程劉梁及董御史文驥玉虬李翰林天馥湘

北陳翰林廷敬子端程翰林邑卿著輩爲文社兵部尚書合肥龔公實爲職志宋別駕華牧仲自黃州入覲京師始定交荷蘭諸國進貢有詩紀事尚書梁公罷繼之者郝公稚訥順治丁亥進士霸州人終吏部尚書謚恭定

康熙七年戊申三十五歲遷儀制司員外郎

先是甲辰以後令學宮停制藝止用論策取士嚴科場條例至點畫字句罪勿赦又使天下郡邑不得貢明經及諸典禮多所變易上親政者稽舊章宗伯毅然以釐革弊政爲已任適山人爲儀司員亟當改正者數事力請于宗伯宗伯韪其議繕疏進之奉

上報可一時文明之治翕然復興如世祖時甫是天下之士復研精敏志務爲文章聖賢之學所以寢微而旋昌者山人有力焉

爲孫少宰北海承澤賦古銘行愁霖行山東諸郡縣地震在京師務汲引後進四方之士以齒頰成其名者甚衆經指授者人稱王門弟子云

是時士人挾詩文游京師者首謁冀端毅公次即謁山人及汪劉二公而山人尤好獎厲後學士人多樂就之或謂山人曰公汲引人物自是盛德然後進之士學未有成得公一言便自詡名士不復虛懷請益

非公誤之耶山人改容謝曰君言是也然山人于朋輩詩文就質凡有得失亦必直言無隱宣城施愚山常曰吾交游滿天下直諒多聞惟王先王耳蔚州魏敏果公象<sub>樞</sub>每有所作必屬山人指其瑕卽欣然改定謂人曰吾仕京師三十餘年惟心折一阮亭耳晚年有京朝官以詩相質山人爲指摘竄改不少隱其人頗有愠色山人于是知古道之不可行也悔之

康熙八年己酉三十六歲權清江浦關專司船廠造船有陋例自總督漕運都御史下至道府船政同知皆以爲利藪而木商湯甲實操縱其間都御史已下皆供其

顧指不暇山人至言於總漕帥顏保盡革之凡發銀皆  
足秤處色毫無扣除旗丁感悅船悉修颺堅固可涉風  
濤漕運頗賴以濟而山人終任不名一錢矣淮安張弨  
力臣長洲惠恕來執贊惠後改名周惕字元龍弨家多  
藏書頗藉觀焉

是年山人自取甲辰以前廣陵所作乙巳以後禮部  
所作共一千三百餘首刪其什六益以過江入吳白  
門前後諸集都爲一編曰漁洋集門生王我建立極  
庚子  
年所取士刻之吳門山人以一本付楚雲師藏之南嶽  
一本付拙菴師藏之盤山

康熙九年庚戌三十七歲在淮上時同事滿洲郎中交  
禪以事罷歸京師而船廠部差議裁故久無代者遲數  
月始得部文北歸時淮揚方濱運河商船不得行幾至  
缺額冬還京師

案考功年譜山人是年十一月以家人至京師  
是歲叔兄舉禮部成進士伯兄起家補考功司員外郎  
上親政後禮部奏改科場條例考官失察不過奪俸  
前所處分寃者皆還其官故西樵復起爲考功郎時  
東亭以不與館選北歸山人自淮上復命過家上  
壽稱觴閣里以爲榮

康熙十年辛亥三十八歲遷戶部福建司郎中時鄭公惟訥敏公爲尚書程周量可則以員外郎爲同舍朔夕相倡和而宋荔裳琬曹頤菴爾堪施愚山閭章沈繹堂荃皆在京師與山人兄弟爲文酒之會盛有倡和

案考功年譜時又有武鄉程崑崙至京師澤州陳說巖  
敬合肥李容菴天官翰林泗州施匪莪端教官司

成德州謝方山

平江安邱曹實菴貞江陰曹峩眉禾與

汪蛟門

懋

皆官中善舍人數以歌詩相贈答也

右門吳之振益舉彙選其詩爲八家刻於木中未幾郝公遷吏部尚書繼之者梁公清標是歲重新伯祖太師

大司馬宣府特祠

是冬孫夫人患瘓症甚劇信至京師山人兄弟倉皇欲棄官歸夫人語匡廬公寓書力止之未幾病已

康熙十一年壬子三十九歲在戶部正月三日雪後與

宋荔裳謝方山

重輝

兄西樵遊西山有游山詩

自註

嚴虞孫友繩

孫門人曹峩眉禾汪蛟門憇麟序之四月第四子啓汎生五月次子啓渾

卒

考功年譜曰渾爲某仲子有才具年十七矣

六月奉命典四川鄉試得楊兆龍等四十二人副之者鄭工部次公日奎貴溪人己亥庶吉士是役也得詩

三百五十篇有奇爲獨道集

自註施少恭患山間章徐  
處士嵇菴夜門人曹舍人

賦

木汪舍人

賦

賦

校門愁麟序之

所過名山如井陘霍山姑射中條雷首太華少華終  
南太白雲棧嶓冢錦屏天柱岷山青城墓顧凌雲峩  
眉烏尤五峯塗山平都上嵒瞿唐三峽巫山十二峯  
隆中覲首蘇門百泉諸勝舟車遄發或至或不至凡  
登望皆有詩覽山葉子吉詩注母論大篇短章每首  
具有二十分力量所謂獅子搏象皆用全力也盛侍  
御珍示曰先生蜀道諸詩高古雄放觀者驚歎比于

韓蘇海外諸篇

又有蜀道驛程記二卷歸下三峽次衛輝聞太夫人訃

夫人卒于八月初一日徒跣奔喪十一月抵里

山人抵里後寢處苦土哀毀骨立杖而後起終三年喪未嘗一飲酒茹葷也

居廬與諸兄日侍匡廬公起居是歲過開喜縣有伯祖太師公及高公允升合祠重葺之

太師憲寧公以隆慶五年進士授聞喜知縣有善政與史公載德李公復聘文公作申公田喬公允升合祠俎豆不衰又有特祠在東門山人使蜀時謁祠下父老子弟聚觀有泣下者

康熙十二年癸丑四十歲居廬長兄考功以毀致疾七月卒

考功年譜云君以七月二十日酉時終於正寢易簀之際口鼻皆作旃檀香旣而遍體作蓮華蘭蕙種種異香經三日夜不散旣殮乃已君之歿未及太夫人小祥者八日鄉之士大夫以君居喪動循古禮死孝章章甚著私謚曰節孝先生

輯考功詩因撰平生師友詩爲感舊集若干卷

顧穎長知我錄云新城先生著述甫脫藁輒已流布獨感舊集一書編成逾廿年不以示人因別有微指

嘗手疏其篇目見示云右康熙甲寅撰故無新篇尚有屏風集併近作入之蓋是集始于癸丑成于甲寅也案屏風集他處不載蓋未成書也

冬養病西山之柳菴

奉匡廬公命也

康熙十三年甲寅四十一歲廬居日侍匡廬公姪啓浣卒長兄次子也

處士徐東癡夜游宛鄧歸閉門却掃山人居廬日嘗與往還小解後多贈答詩

康熙十四年乙卯四十二歲服闋夏以父命赴京師秋需次歸里是時諸故人皆散去惟翰林李湘北天馥陳

子端廷敬葉子吉方謫官京師

山人至京師李陳二公卽日訪于天寧寺適山人他  
往二公坐塔下以待牡鑰將下始連騎入城及山人  
之歸也李公偕葉公堅坐慈仁寺邸流連至日晏不  
得發其篤好如此有畱別諸公詩

彭駿孫孫遍自浙西來間爲文酒之會然無復曩時之  
盛矣

康熙十五年丙辰四十三歲正月赴京師五月補戶部

四川司郎中

時滇閩用兵內而度支外而輸輶倍極煩難山人佐

理持等善爲酌劑處之裕如

九月張恭人卒於家是歲有漫興詩十首雜感詩四首皆感懷而作有輓殉筆諸公詩掉亡詩

案編年集漫興以下諸詩皆入乙卯篇當是需次歸里後作故末首有白頭清鏡裏歸臥故山春之句悼亡詩入丁巳稿疑辰巳冬春兩年之作耳

康熙十六年丁巳四十四歲在戶部是時尚書爲梁公清標侍郎爲魏公象樞魏公屬定其詩可否一無所徇魏公以書謝云於論文較藝之中見吾心不欺之學足下真古人也

山人云魏講學故云耳然不欺二字實談藝根柢也  
凡爲同人選定詩文集如宋荔裳施愚山孫豹人陶季  
華前後數十家

是年宋收仲

王幼華

曹升六

貞吉

顏修來

光榮井

叔

封

田子綸

雯

謝千仞

重

丁鴈水

膺

漫堂

年譜

曹

頌嘉

木

汪季角

懋

皆來談藝先生爲定十子詩器刻

之

漁洋山人年譜卷上

漁洋山人自撰年譜卷下

小門生東吳惠棟定字註補

同學諸子參

康熙十七年戊午四十五歲正月奉旨召對懋勤殿明日諭內閣戶部王士禛詩文兼優著以翰林官用改侍講未任轉侍讀

召對錄云康熙丙辰某再補戶部郎中居京師一日杜肇余蘇閣學謂予曰昨隨諸相奏事上忽問

今各衙門官讀書博學善詩文者孰爲最首揆高陽李公對曰以臣所知戶部郎中王士禛其人也

上領之曰朕亦知之明年丁巳六月大暑輶講一日召桐城張讀學入 上問如前張公對郎中王某詩爲一時共椎臣等亦皆就正之上舉士禎名

至再三又問王某詩可傳後世否張對曰一時之論以爲可傳 上又領之七月初一日 上又問

高陽李公臨朐馮公再以士禎及中書舍人陳玉璣對 上領之又明年戊午正月二十二日遂蒙與

翰林掌院學士陳公同 召對 懸勤殿次日

特旨授翰林院侍讀三月 賜御書存誠大字唐人張繼楓橋絕句又右刻清慎勤格物大字二幅共四

幅有紀 恩詩

夏同學士陳廷敬侍讀學士葉方藹直南書房

召對錄云某與陳葉二公及讀學張公同內直一日以天花頒賜 御札云朕召卿等編緝適五臺山貢到天鲜花馨罕有可稱佳味特賜卿等使知名山風土也故事二品已上奉旨稱卿獨講官亦然直異數云八月內直同陳葉張三學士和御製賜輔國將軍詩仍命次日攜名字印章入內各書一幅卽發養心殿裝潢隨御筆同賜自是每有御製必命和進淄川唐濟武夢賜詩云何人載筆氣如虹

玉殿南頭鳳闕東蠟燭五侯新制誥鞞韁三影舊郎  
中臨軒已得君王喜仰星舞忘司扈窮遙計看題  
紈扇日正開芍藥照階紅在禁苑時上嘗徵其

詩錄進三百篇謂之御覽集未敢專行後彙爲漁洋  
續集十月奉旨偕侍講韓慕廬英典順天鄉試得  
王泰來等一百八十六人

康熙十八年己未四十六歲在翰林充明史纂修官是  
歲以博學鴻儒徵者雲集京師三月御試體仁閣下  
入翰林者五十人彭孫遹第一施閏章汪琬皆在焉時  
公卿庶僚皆得薦人魏侍郎象樞詢於山人對曰公以

躬行聞天下薦士不當專以文藝必如睢州湯斌者斯無愧矣魏笑曰得之矣遂疏薦之出人與湯初未傾蓋也

湯後以閣學出撫江南人爲大宗伯爲本朝第一  
名臣天下競知湯公之薦由魏公而不知魏公之薦  
湯公自山人發之也

同年楊以齋雍建出撫貴州屬重葺高祖忠勤公永寧

衛特祠

時宣城施愚山

閻

章梅耦長

庚

毘陵邵子湘

長

海寧陸

冰脩

嘉

常過山人邸舍劇談至丙夜始散去陸有詩

云科跣到門衣不船是也

康熙十九年庚申四十七歲在翰林

是年李湘北爲閣學陳子端葉子吉相繼爲掌院沈貞蕤爲掌詹山人及愚山羨門純菴其年諸公皆在翰林互相酬倡一時傳爲盛事

遷國子監祭酒時司業爲劉宣人芳喆辛丑進士國初祭酒司業未有名山人與鍾山先生補其闕是歲八月置閔山人以閏八月生也

山人官司成首奏請定聖廟祀典照成化弘治間儀制又有請正從祀諸賢位號增從祀理學真儒諸

疏皆有碑文致疏載漁洋文畧

康熙二十年辛酉四十八歲在庚寅秋七月賜宴瀛臺九月叔兄需次卒於京師

尤展成侗邵子湘長衡爲作傳

是時太學人才甚盛秋試力持公道公卿紈誇請託不得行所拔識如金居敬湯右曾查昇陶元淳惠周惲輩皆登第爲世聞人所取文字率崇古雅有春秋內外傳史漢文八大家之遺風考取八旗敎習以文爲甲乙試日閱卷閱畢榜發始出署苞苴竿牘皆不得行會一統志館移取太學生工書法者立定去取以黃弘猷爲首

黃元治次之衆論僉服卽滿州同事亦服其公敎習例  
得通判故山人尤慎之是年冬十二月覃恩進封父禮  
部公爲朝議大夫國子監祭酒母孫宜人妻張宜人贈  
恭人

康熙二十一年壬戌四十九歲在戌均春正月上元

賜宴

乾清宮

上首倡昇平嘉宴詩徵栢梁體廷

臣繼和

命詹事沈荃書之

御製序文頒賜諸臣

召對錄云

上元日有旨賜內閣九卿翰詹等宴于

乾清宮

詔賦栢梁體詩明昌早詣閣門

上

頌首倡云麗日和風被萬方大學士已下以次庶和

國子祭酒臣士禎恭賦云九德原本作三德六行爲士坊  
康熙二十二年癸亥五十歲在戊均是歲撰五言七言  
古詩姜西溟宸英序之

是年盛侍御珍示袁集辛亥迄癸亥之詩共十六卷  
重爲編次曰京集曰蜀集曰家集合爲漁洋續集屬  
常熟黃子鴻儀書之明年刻之吳中

康熙二十三年甲子五十歲冬遷詹事府少詹事兼  
翰林院侍講學士

池北偶談云祭酒不二年輒遷去春秋丁祭無過  
四者順治中淄川高念東侍郎布爲祭酒久不遷一

日至閣洪文襄承嬉戲謂曰高先生可謂五丁開山矣

高笑曰無妨六丁六甲果三年始遷去予在成均迄  
四載始遷少詹戲爲口占寄先生云嘉話曾聞役六  
丁任教人笑鈍司成六丁今日還加二始信前賢畏

後生

十一月奉 命祭告南海是歲科試得人之盛如辛酉

粵東之役有詩三百餘篇爲南

集

自註門人盛侍御珍示符升金進士

義似居  
散序之

陳元孝恭評云雖不及蜀道之宏放而天然處乃反

過之人以爲知言是冬奉 命南行雪阻東平望小

洞庭中有蠶尾山爲唐太守蘇源明讌賞地因取以名其山房并圖爲小照自序以概以誌寄託一時海內風雅之士咸謂山人處高位而有超世之志焉

又有粵行三志三卷皇華紀聞四卷

韓閣學慕虛菴  
魏路士世徵序

康熙二十四年乙丑五十二歲元旦大雪謁五祖山二月十日抵廣州入南海神廟歲事登浴日亭觀海四月一日發廣州哭故人程兵部周量之殯過肇慶登七星巖歸阻風雨南康會南豐湯佐平來賀先生來主白鹿洞書院相納入山遂與孫處士豹人枝蔚南康守周星公燦遊廬山樓賢開先諸寺皆有詩七月過里省侍祭酒

公九月復命隨請急歸里途次聞府君計徒跣奔喪  
山人于夏六月歸自粵便道過里起居見匡廬公容  
色肌膚殊減疇昔怒然動歸養之思因從容言報

命後當請假覲省匡廬不許力命趨裝山人意殊愴  
然九月復命後一日而循例乞假遄歸而匡廬已  
先十日招館徒跣慟哭作孺子啼蓋山人生而孝友  
自讀禮盡制外雖期功之喪亦必欷歔累日輒廢寢  
饋至性不可及也

冬姪啓治卒叔兄長子也

康熙二十五年丙寅五十三歲居廬在西城

時鍾聖與

輶

趙豐原

于京

王秋史

華

先後來從遊

康熙二十六年丁卯五十四歲居廬秋移南城舊第

是年取唐人殷璠高仲武諸家之選各加刪定而益以韋莊又玄姚鉉文粹通爲唐選十集屬門人盛珍示王我建較刊

康熙二十七年戊辰五十五歲正月聞

太皇太后崩有 詔四品已上京朝官在籍者皆赴京師三月歸里有北征日記是歲撰唐賢三昧集三卷

山人云林間錄載洞山語云語中有語名爲死句語中無語名爲活句予嘗舉似學詩者門人彭太史直

上來問予選唐賢三昧集之旨因引洞山前語語之  
康熙二十八年己巳五十六歲正月迎 駕於德州蒙  
慰問甚至有迎 駕紀恩錄

居易錄云己巳正月 南巡視河某以少詹事兼翰  
林院侍講學士家君迎 駕于德州四奉 温諭

上尊天厨之賜已述紀 恩錄一卷備載其事矣庚  
午十一月初七日會議端門李少司馬厚菴語予云  
是日蒙 上賜謝 恩散歸後 上諭侍衛云  
王某如尚在外可召令入見侍衛傳 旨則士禎已  
入城矣復命 上云旣回不必往召 上之恩

遇至此

三月葬先祭酒府君暨母孫宜人冬十一月赴京師撰  
池北偶談成二十六卷

康熙二十九年庚午五十七歲正月再補詹事府少詹  
兼翰林院侍講學士三月遷都察院左副都御史

居易錄云予自少詹事遷副都御史又旬日馬邑田  
子渭喜霑亦自少詹事遷內閣學士一日赴起居館  
晤別翰林掌院滿洲掌院學士庫勒納公曰公等亦  
見冬日薦花者乎置之密室鑿池作坎縫竹其下溉  
以牛溲培以硫黃覓引沸湯扇以微風蓋然春溫經

宿而花放矣衆花固未蓓蕾也及二三月衆花應候  
而發而冬花已憔悴視其根則已腐敗久矣蓋春花  
知命而待時者冬花不知命而違時者也仕宦亦然  
吾見夫冬花之榮落亦多矣公等今日之擢乃春花  
也雖遲發亦不速敗

充 經筵講官 三朝國史副總裁

四月十三日 上以京師畿輔不雨 命三法司  
赴刑部清理重囚山人以副憲與焉原者百十八人  
十五日奉 旨遣九卿分祭壇廟寺觀祈雨山人主

靈佑寺

六月長女端卒於京師

七月秋審有楊成者京師細民也貸旗人某甲錢會  
新年成往省父母妻某氏獨處室中甲適索逋至窺  
成未歸乃遷延至暮入室挾姦明日成歸妻泣訴之  
急顧市肆有小刀取擲之中甲要害而斃法司當成  
故殺斬山人曰凡故殺則有必死其人之心有必死  
之之心則必挾挺刃以往今成徒手往而反爲甲歐  
逐急而倉皇取他人之刃以禦之是誤殺非故殺也  
二律懸殊况甲強姦其婦罪固應死乎又衡陽縣蕭

儒英者素挾左道惑衆會有鹽商王子明宿逆旅夜失三百金募能緝獲者重酬之江西士人曠鼐與妻蕭氏僑遇於衡屏而貧儒英語商能入冥司知盜名翼日又云已至冥司見青面鬼王示以盜卽曠鼐也遂率其黨東張飛等禽鼐至誣拷之又禽蕭氏拷之以其少艾復逼姦之巡撫止擬強姦律絞山人謂儒英罪狀不止是絞當改左道律斬庶足蔽辜如撫擬秋審或邀矜緩則大姦漏網鼐夫婦冤弗伸矣是年奉旨秋決停止及明年秋審山人復理前語諸公皆曰公言是遂寘儒英于法而改楊成獄擬可矜

九月遷兵部督捕右侍郎

萊居易錄十月二十八日

山人官副憲時嘗欲集唐六典諸書作南臺故事一

書未幾遷侍郎遂不果先是少宰趙玉峯

上躋任督捕

有美名山人以承趙後仕虛懷請益趙曰比年條例

已極寬大吾輩更當推廣朝廷德意行之山人遂

酌定條例數則頗請准行頒之天下由是法益寬簡

康熙三十年辛未五十八歲春奉命主考會試得張

璵等百五十餘人正主考文華殿大學士張玉書工

部尚書陳廷敬而兵部侍郎李光地及士禎副之

棟先王父硯谿公以是年成進士榜後謁山人甫就

卷一百一十一  
坐山人謂曰閩中得君卷張陳李三公皆欲擬第一  
予獨難之因置第六以數十年老門生暗中摸索反  
以予故不得元豈非恨事歎息久之蓋先王父于康熙  
八年執贊于山人迄今已二十三年矣

康熙三十一年壬申五十九歲

正月會議常平倉西安鳳翔二府遵旨發正項錢糧採買其餘各直省數未足者仍照見行事例捐納初稿有勸輸之語山人與于總憲成龍共言之而止四月循例啓奏八旗逃獲之數故事督捕衙門別有綠頭牌奏知逃官逃兵若干員名止記總數以備顧問

而捧牌啓奏係滿洲堂官專責于時

上問侍衛

馬三捷逃往何處席珠公不能對山人不習

國語

因下吏部都察院察議部院諸公皆言綠頭牌啓奏

漢官例不與聞與王公無涉山人曰滿漢堂官平日

其事一堂又同啓奏小有利害輒分彼此既非大臣

之體又非協恭之誼某不忍爲也遂均議鑄級得

旨如議而席珠公等三人皆去位總憲于公深歎服

以爲有古大臣風且云本朝此事唯一見于魏敏果

公今見于公耳又克什冤者紅帶宗屬自四川隨征

回京至鳳翔病疽危甚有張希仁者業瘡醫藥之而

愈克什免遂攜入京師張有子玉女蛇妃等九人克什免利之私詐僞契誣以賣身及張歸鳳翔克什免卽以逃人告提比辭至部讞得實山人與席珠公斷張夫婦子女歸復版籍爲良民克什免送宗人府察議克什免怒牒訴掌宗人府郡主郡王召侍郎辨質克什免辭塞於是府是部議克什免革職鞭責山人在部不以強禦骯法率如此也

八月

初五日調戶部右侍郎

戶部右侍郎徐諭武以疾卒于官

山人調司農督理錢法故例有呈樣錢立禁革之終事不遣一人至錢局

康熙三十二年癸酉六十歲夏四月側室陳孺人卒七月第三女宮卒

九月秋審畢九卿覆議彙題山人言情真案內尚有可議者三其一於相元聊城縣人年七十五矣舊買薛慎吉之田契價久明而慎言之孫小喜自鬻旗下逃歸挾索相元地價其祖呵之不聽相元不得已歛以酒食予以錢帛不受而索金乃議往市易白金給之鄉保以其旗人也繩繫而行繫急脰絕遂死有司當相元故殺山人謂旗人索詐原有禁例況小喜之死死於繫非死於毆殺也且相元年七十五老矣於

律例亦宜末減改緩決其一王訓太平縣人太學生也其父者佐素封者佐父喪其行財人關中鍵獨不吊奠者佐以適欠告之縣中鍵因妻激怒輒飲毒往王氏辱詈者佐不能堪毆之歸途毒發死有司索賄不得遂當訓故殺山人謂此一事京輦士大夫皆言其寃且訓代父罪至擬大辟其父已死是一命已有二抵況向來秋審凡以殺父殺人者原情率從末減況訓實不殺人又身甘代父反不得原非向隅乎改可矜其一房得亮齊河縣人有族人房懷德幼子阿羣者戲嘲其父名得亮怒掌擊之阿羣又詈適鐸刀

在側得亮取而刺之中要害死當以故殺山人曰此  
鬪毆非故也改緩決諸公皆歎服謂公平反三獄吾  
儕今日集議不虛此行矣山人每遇秋審 朝審必  
盡言以俟諸公決擇不肯委蛇從俗類如此也

是年五月 賾恩贈祖方伯公父祭酒公皆通議大夫  
經筵講官戶部左侍郎祖母成張母妻皆淑人

居易錄云先祖年及大耋親教諸孫相繼成進士先  
考妣教諸子雖稍寬假然以布政公之故督課殊切  
迴憶庭訓且四十年矣至是乃稍食其報感激 國  
恩不禁泣然

康熙三十三年甲戌六十二歲在戶部

二月

初九署兵部事六月充纂修類函總裁官同

禮書

張敦復副學王鑑菴陸義山翰林官分纂四十人轉左侍郎

康熙三十四年乙亥六十二歲在戶部

五月

駕在暢春院部務稍暇與同人諸及門爲結

夏文字之會山人旣次甲子使粵以前及丁卯以後

詩庚午以後雜文爲蠶尾集十卷其古文詞前此者

復別爲漁陽文畧十四卷屬四人張漢瞻

雲序之

時捐納方開多相緣爲奸利山人一無所預戒司官凡

開捐納事勿以一呈一稿至前在戶部七年始終憇然

如白圭振臂得全清白舉朝皆能諒之然笑其愚者衆矣

山人官司農既以廉潔自勵退食之暇兼究心于內典嘗答淄川唐濟武簡討書云少無宦情又口不習言阿堵物雖日在錢穀簿書堆中不曾空山雨雪燒品字柴說無生話時也其高致恬澹如此

康熙三十五年丙子六十三歲奉 命祭告西嶽西鎮

江瀆

康熙三十四年十二月十七日乙巳 詔赦天下遣

廷臣祭告長白山五嶽四瀆及歷代帝王陵寢孔子

闕里三十五年正月二十一日戊寅 命下同遣者  
十六人二十七日甲申 上御保和殿親閱祝文  
香帛禮部尚書侍郎等官執事奉使諸臣皆在列閱  
畢由太和門馳道出諸臣于午門辭朝行三跪九叩  
頭禮畢隨至禮部頒祝文香帛

秋七月過里二十八月姪啓灌卒叔兄次子也九月復  
命京師是役有詩百餘篇爲雍益集

山人寓書盛待御符升再使秦蜀往返萬里得詩幾  
百餘篇皆寥寥短章無復當年獨道南海豪放之格  
然覽古興懷得江山之助生色有加擬諸眉山集中

所分紀行遊覽古蹟寓興諸篇殆兼而有之

又有秦蜀驛程後記二卷隴蜀餘聞二卷

隴蜀舊游之地具詳驛程記中此又紀其所未備者也

過聞喜縣再葺太師公祠祠初在夾城地湫隘與喬公

允升同祀祁縣戴廷栻楓仲官學博移建專祠於城中

秦蜀後記云二月二十八日抵聞喜縣先太師公萬

曆初知此縣至今百餘年有桐鄉之思

聞喜漢之左邑桐鄉地

聞子至諸生父老年七十以上者數十人率子弟迎十里外至舍館予延坐一一慰勞之父老具言公恩

德自其祖父以來沒齒不忘迄今婦人女子皆能道

公氏籍

歸過池縣拜族曾祖曙峰公祠重葺之

曙峰名之都字爾章潁川公孫萬曆中知開封府授  
薊鎮梗強宗歛戢沐人德之爲立祠祀于包孝肅祠  
之右

康熙三十六年丁丑六十四歲在戶部仲兄卒於家

八

五月進平北雅十二章九月戶部尚書陳公廷敬  
戶部右侍郎王公掞俱以原銜充經筵講官時山

人先爲講官戶部三卿皆在 經筵一時傳爲盛事  
是年七月 萱恩贈祖父皆經筵講官戶部左侍郎加  
一級祖母母妻皆夫人

山人仲子官唐山令唐山下邑土瘠民貧山人訓以  
潔已愛民書手鏡錄一冊付之

康熙三十七年戊寅六十五歲七月十三日遷都察院左  
都御史

山人官總憲一循臺規卽一掌道亦必論資俸陞遷  
不徇一情而以絕奔競之階戒言者不得毛舉細故  
務崇大體退食謝客焚香掃地下簾讀書自一二章

布故交以風雅相質外門雀可羅也少宰趙玉峰麟謂山人曰公爲戶部侍郎七年屏絕貨賄不名一錢夫人而知之至爲御史大夫清風亮節坐鎮雅俗不立門戶不急彈劾務以忠厚淳大培養元氣真朝廷大臣也抑亦今日藥石也

冬奉 命直南書房編類 御集同直戶書陳廷敬禮  
書張英工書王鴻緒

康熙三十八年己卯六十六歲在都察院

聖駕南巡 諭諸臣內直如故

二月進 南巡頒撰古憲錄八卷

六月側室張孺人卒九月次女婉卒十一月遷刑部尙書夏五月 駕回渝於通州會漢軍御史郭金城疏裁冗員下九卿集議遂欲裁監察御史若干員山人力持之以爲不可且言前明南北兩臺共設御史百二十員後裁爲八十員 國初裁爲四十員後又裁畱二十四員視明代止存五之一今巡按一差雖裁然內而巡視五城登聞鼓寶泉局 朝廟 經筵糾儀及監禮監宰外而巡鹽 巡視茶馬諸差繁夥內差不足往往令巡城攝之某尚欲疏請增數員顧可裁乎且御史言官爲朝廷耳目謂之冗員可乎言之侃侃吏部尙書庫勒

納深以爲然漢御史得不裁止裁烏金超哈御史三員

五月 內直南書房 賜御書素繅一幅云瞳瞳曙色上帆船野水波添滿路光知是皇畿程日近林風吹送柰花香蓋舟行 御製近詩也六月二十 內

直 再賜御書大字一聯云煙霞盡入新詩卷郭邑閑聞古畫闢陳謹案此係唐韋莊詩賦見浣花集後與 御賜帶經堂信右齋二幅分懸東西二第中堂

十一月初五日戶部尚書馬齊吏部尚書熊賜履禮部尚書張英並入相戶部尚書陳廷敬遷吏部刑部尚書李振裕遷戶部兵部尚書杜臻遷禮部原任江南江西

總督兵部尙書□□□起復兵部左都御史王士禎遷  
刑部同日命下隨赴乾清門謝恩是歲秋審或  
以金兩爲重定囚之出入山人獨謂當論情事之輕重  
不當止論金兩上以爲然

九月秋審畢九卿會稿中有河南司閻煥山西司郭  
振羽廣西司竇子雲三起初擬情真山人謂曰凡以  
救父權罪者多議矜減此三人雖以刃然止當論其  
救父與否不必分挺刃也愚意緩決爲當諸公以爲  
然皆改緩決

康熙三十九年庚辰六十七歲在刑部

五月有北城民徐起龍者其女嫁馮繼隆甫數日其  
姑曹氏淫悍婦人也引所私辛二僧宣召等逼姦之  
女不從則加炮烙畏而從之旣兩月始許歸寧女泣  
訴父母起龍羞憤偕其表弟侯六登曹氏之門欲毆  
之曹氏及其姦夫辛二出禦遂鳴于官解赴刑部司  
讞訖呈堂以起龍兄弟白晝抄搶草率結案山人訪  
得其情實見有二人銀鑰繫頸問之云徐起龍候六  
山人大怒碎其牘擲地詰滿漢司官汝曹畏勢乎徇  
情乎抑納贿乎如此妄書乃敢誑我天地神明其可  
欺乎立令釋二人銀鑰繫曹氏辛二之頸而令嚴提

宣召到案辛二橐三木曹氏拶指皆吐實宣召至亦具伏述案律定擬而斷女離異歸父母都人皆以爲快六月二十  
八日賜御書帶經堂扁額令中官送大學

士張英處轉頒蓋用漢御史大夫兒寬故事也山人因取杜子美細雨荷鉏立江猿吟翠屏句屬禹鴻臚

之寫荷鉏圖小照南海梁芝五佩蘭爲作歌紀事順天

府尹缺吏部列應陞正陪太僕寺卿錢晉錫光祿寺

卿江繁名上令內閣傳諭九卿各舉所知衆

相顧未發山人曰凡科道吏部及監司內陞者皆經

皇上舉拔其品其才上所稔知九卿所舉未

必能如睿裁之真確翻恐挂一漏萬且如太僕光  
祿皆有職掌事務煩劇今之府尹與古之京兆事體  
不同號爲閑曹未有可爲太僕光祿列卿而不能勝  
京尹之任者也遂罷舉仍以前名列上上竟用  
錢爲府尹後再亨贈詩曰議屈羣言退食遲蓋指此  
事也

秋九月充武會試讀卷官

居易錄云十月初四日太和殿試庚辰科武進士  
周卜昌等一百人某以刑部尚書與讀卷是晚閱卷  
六十初五日晨同部院啓奏畢與大學士馬公熊

公張公等趨往紫觀閣候 駕觀馬射 上登舟  
至行殿 御弓矢親射 諸皇子宗室及侍衛以次  
射畢始試進士讀卷官侍坐終日試畢 上復御  
弓矢如前射畢隨駕入晚閱四十卷初六日啓  
奏畢復趨行殿候 駕觀步射 駕至 御弓矢  
如前射畢上親選十三人既而止畱八人至暮復  
御弓矢隨駕入卽同諸臣賚 殿試卷至 乾清  
宮 上秉燭御西暖閣欽定第一甲三名二甲前  
五名是日垂問臣士禎年齒科分甚悉又 命取西  
洋近視眼鏡令試之歸館已及二更初七日啓 奏

畢出至太和殿前更朝服候臚傳

山人官司寇矜慎庶獄力從寬大於秋審朝審尤不敢唯阿緘默因以改正全活者甚衆居易錄略記數事不能件繫然自爲副憲卽然不自總憲司寇始也宗人燕子喜巡撫貴州同年劉維禎瑞公官貴西道叅議屬重葺永寧忠勤公祠

康熙四十年辛巳六十八歲三月請急還葬奉

諭言卿才品優長簡任司寇正資料理覽奏情詞懇切准給假五個月事竣速來供職不必閒缺該部知道五

月出都

王氏自太僕司徒二公發祥藏書尙少至司馬方伯  
二公藏書頗具矣亂後盡燬兵火山人兄弟宦游南  
北次第收緝康熙乙巳自揚州歸惟圖書數十篋及  
官都下三十年俸錢所入悉以購書嘗有一士人數  
謁山人而不獲一見以告徐健菴乾學健菴笑謂之曰

此易耳但值每月三五於慈仁寺市書攤候之必相  
見矣如其言果然爲御史中丞時秀水朱竹垞嘗爲  
作池北書庫記及是給假歸里諸門生爲紀其盛屬  
廣陵禹愼齋之鼎寫載書圖以道其行圖成各有詩紀

事

歸行焚黃禮於祖墓父墓撰居易錄成凡三十四卷十

月赴京師

是年二月撰浯溪考二卷

康熙四十一年壬午六十九歲在刑部

四月十六日賜御書信古齋扁額

冬奉旨同內閣九卿閱 御試頤天舉人卷

十月初十日山人試筆云再雪竟夜積素滿庭晚菊  
尚敷腴可玩晨起忍寒坐信古堂對雪看蘂忽梁溪  
琴僧岳蓮見過彈平沙落鴈漢宮秋二曲古音蕭寥  
忘其身在長安官是秋昔之長也作二詩紀事

詩集  
跋尾

康熙四十二年癸未七十歲在刑部

三月進 萬壽頌十九日赴暢春苑啓奏刑部釋放  
囚犯八百餘人是日請 旨 御批又減等二十一  
人五月 賜滿漢大學士尙書侍郎 御書扇各一  
山人得 御製虎邱五言律詩一首七月初五日

上傳尚書王某大理寺卿李斯義掌河南監察御史  
呂琨同內閣戶部赴 乾清門問山東今年水災情  
形并問前遣官照口外養蒙古例往賑實有益于百  
姓否山人奏曰 皇上軫念民艱特遣人員照口

外養蒙古之例賑濟地方大小官員仰體 聖意實

心料理不敢文具視之自實有裨益于百姓但今年

之災非比去年去年被水不過十餘州縣今年則六

郡無不被水加以丹災視去年不啻數倍今售穀已

盡新穀絕望民間所苦在于無米 上諭戶部尙

書凱音布速發通州倉米往賑十月 上賜內閣九

卿西域蒲桃人二株山人以尙書與焉有紀 恩詩

康熙四十三年甲申七十一歲在刑部三月奉

旨同都察院公勘玉泉山內外河工

集乙亥迄甲申官少農以至大司寇京邸之作爲齋

尾續集中間丙子使蜀詩不與焉錢塘吳寶崖  
陳爲琰

之序

秋九月罷歸以王五一案失出也此案司官委咎於堂官滿官又委咎於漢堂官山人自以年衰前年引陳力之義蒙恩不使開缺回京欲乞骸骨以大學士熊公禮部韓公疏上皆不允不敢繼請茲以微罪行幸矣故於都察院察議文深周內絕不與辯山人服官至是四十五年矣

山人以申告冤抑一案失出罷官或曰此事自有本末公當辯明山人曰五年已遲暮今得返初服足矣

遂巾車就道圖書數簏而已送者填塞街巷莫不攀  
轅泣下相國沁州吳公執手欷歔曰大賢去國余不  
能畱負愧多矣時十月十三日也先是山人所居里  
第東堂老桐朽竊中忽生芝其色白至是罷官

是年三月 賾恩贈祖父皆資政大夫經筵講官刑部  
尚書祖母母妻皆夫人

康熙四十四年乙酉七十二歲在里中

四月游漪園及大明湖諸勝同游者鍾聖輿輿朱子  
青青也皆有記及詩記載鶯尾續文詩  
詩是年夏避暑

西城別墅始敘年譜

冬三子啟訪自唐山歸而次於家五月以迎送

聖駕兩至德州主謝氏

青壤相門家也

康熙四十五年丙戌七十三歲在里中正月趙氏妹卒

山人第四妹也適益都太學生趙君作肅

二月三男婦王氏卒三月姪啓淳卒仲兄次子也四月  
往于茲山別業憩夫于草堂山有古夫于亭取義於此  
卽陳仲子所居柳泉口也是年得詩九十一篇爲古夫

于亭藁

山人旣歸里第閉戶著書不以一字通朝貴門無雜

賓惟與張蕭亭賓歷友篤諸君茗飲焚香往來倡和

積成卷軸明年五月大名成周卜文臨較刊于京師之

慈仁寺

康熙四十六年丁亥七十四歲在里中是歲大旱巡撫檄濟東道朱澄溪廣業臨縣賑饑紳士俱具冊領賑山人獨不具冊宋以爲朝廷之恩不可虛山人曰某不敏

備位大臣頃四十三年二東饑奉旨各自養佃戶今雖里居敢忘前旨遂力辭之宋述於中丞以爲

得大臣之體然義利之辨不得不言其寔瓶無儲粟鄉人皆知之

康熙四十七年戊子七十五歲在里中宋洪文敏公遇

集唐絕句萬首經進孝宗御覽山人少習是書惜其踰  
駁久欲爲栞定而未暇也是歲乃克成之冬門人李大  
僕曲江先<sub>復</sub>浙歸過訪李山人壬子所取士也於今五十  
餘載師生之誼老而彌篤臨別黯然

是年山人次一歲之作爲蠶尾後集

康熙四十八年己丑七十六歲在里中先祖方伯贈尚  
書公著羣芳譜刻於虞山毛氏汲古閣流傳已久康熙  
四十四年奉  
旨開館廣續  
命編脩臣汪灝等四  
人爲纂脩官至四十六年告成凡一百卷賜名佩文  
齋廣羣芳譜  
御製序文冠於緇首仍存先臣自序

每卷小序亦所不遺是年著分甘餘話謹錄 御製

序文於卷首以紀 聖恩冬侍讀黃崑圃

叔琳

視學山左

省山人於里第黃山人辛未所取士也情誼之餘述

詔旨取故靈壁知縣馬驥所著釋史刻板入 內府因

感賦一絕載蠶尾後集

池北偶談云 馬驥字聰御一字宛斯濟南鄒平人順

治己亥進士仕爲淮安推官終靈壁令生而清羸博

雅嗜古尤精春秋左氏傳又著釋史其書最爲精博

時人稱爲馬三代康熙癸丑歲卒官靈壁人皆爲制

服云

康熙四十九年庚寅七十七歲在里中山人夙有痼氣二十餘年時發爲累是歲忽嬰瘍症輾轉床褥苦不可言冬十二月奉旨朕每因朝列舊臣漸次衰謝時

切軫懷爰命內閣詢問順治年間進士所有罷職在籍者已無多人王士禛江臯周敏政策矯然徐淑嘉宋慶遠皆因公墨誤屏廢里居今年臻耄耋深可憫念著復還原職以示朕格外加恩至意餘依議山人感荷

聖恩雖瘳症甚劇使兒輩扶掖向闌謝恩卽具疏這次兒啓汎恭齋入謝

是年刻己丑庚寅近詩一卷山人乙酉年撰詩話六

十條戊子秋冬間又增一百六十條共成三卷是秋  
授門人黃侍讀叔琳序而梓之

康熙五十年辛卯七十八歲在里中山人以順治辛卯  
舉於鄉是歲爲康熙辛卯如瘍症得愈肩輿至省與新  
郎君序老少同年亦一佳話因口占一聯云得第重逢  
辛卯歲刪詩斷自丙申年

案王氏家傳山人卒于五月十一日卽干是年十二  
月初七日葬于系河北岸祖塋之次

附嗣君跋

右先君年譜一卷自著於康熙乙酉未幾而忽罹瘍

症時作時輒故丁亥以下乃病中日授不肖輩書之  
已有真本付先長兄清遠較閱尙未付梓不意先長  
兄於丁未年忽得風症五載而逝真本迷失不肖於  
殘編敝簏中得此草本恭錄以藏識者鑒之痛念先  
君自嬰癩症之後苦不堪言不肖輩從旁竊視精神  
大減至庚寅初秋變爲瘍症呻吟床褥其苦更甚會  
歛中程君聖跂哲友聲鳴昆仲以書來徵先君平生  
詩文彙爲全集鏤板以行先君呼不肖輩曰余所著  
詩文每欲刪繁就簡合爲一集付梓未果頃門人程  
氏昆仲之請甚懾余懷因於病次置各集於枕旁命

不肖查檢朗誦詳加去畱力疾編次共九十二卷顏  
曰帶經堂集至辛卯冬始剗刷告竣不意是書賣到  
之時距先君之變已五閱月竟不及見矣悲夫因憶  
辛卯春殤症愈甚語不肖曰吾初官維揚時爲居烈  
婦雪冤一事久欲爲立一傳因循未果今煩悶鬱轞  
中偶於枕上得之了此一段公事隨口授命不肖書  
之孰意此文竟成絕筆也嗚呼悲哉以上二事皆不  
肖親承府君之命者因附及之不肖男啓汎謹識

附答北平黃少宰書一通

雍正九年

新城王

落羽  
啟汗

拜別台顏忽忽已二十載廻憶先君在日與老世臺  
杯酒論文恍然如昨自老世臺建牙兩浙後音問久  
疎今紀綱忽至得接染雲捧讀之餘如親聲歎去夏  
黃水爲災敝邑適當其滙田禾廬舍飄沒一空城之  
女牆距水僅尺許矣而先祠瑩墓四面盡屬火光波  
臣竟不爲害見者皆疑神佑幸獲無恙乃承老世臺  
懸念及此直令某輩感泣數行下也硯溪先生令孫  
淵源家學蓄志青箱欣聞爲先君所著精華錄詮註

某

輩感泣數行下也硯溪先生令孫

望出非常因念先君在日海內文人欣欣顯舉終以  
因循畏難身任爲艱今惠世兄竭數載之苦心彙成  
巨帙雖未經寓目已早知其爲學識兼優老世臺以  
爲先君毛鄭殆有過之無不及也茲奉到年譜乃乙  
酉夏杪脫稿其丁亥以下則係病中口授尙未訂正  
惟老世臺再爲斧削始可信今而傳後耳然例有本  
傳先君棄世後先叔幔亭走京師丐諸名公大人各  
種文章其姓氏淹沒已漫無考據止有太倉相公致  
到神道碑文并商邱冢宰致到墓誌文各一篇至今  
老成凋謝舊友晨星廬陵門下則僅有睂山今以碑

文墓誌文奉覽惟望如椽大筆爲立本傳列之卷首  
且使他日國史家乘兩有所據也至先君著述俱已  
付梓止五代詩話尙未成書暨感舊集二種未經刊  
刻但原稿爲先長兄收存今舍姪謁選都門無從查  
覓而一切書板及刷印諸書係門下梓工李萬琮經  
手今李又餽口他姓一時未及刷印謹以案頭數種  
聊充鄰架餘容刷就覓便寄到何如附及者先君平  
日藏書自棄世後不思分析因先長兄一病五年不  
幸于丁未下世後始查點三分收藏孰知半飽鼠蠹  
半壞積霖而乘間攫去者亦復不少及經查檢已多

殘缺致使先人手澤盡付東流可勝浩歎因老世臺  
關注之雅故並及之荒函藉復不盡欲言臨風馳遡